

Majlis Penyerahan Bendera Kontinjen Olahraga Majlis Sukan Sekolah Wilayah Persekutuan Labuan (MSSWPL) ke Kejohanan Majlis Sukan Sekolah Malaysia (MSSM) 2025



Labuan, 14 Ogos 2025 – Majlis Penyerahan Bendera Kontinjen Olahraga Majlis Sukan Sekolah Wilayah Persekutuan Labuan (MSSWPL) ke Kejohanan Majlis Sukan Sekolah Malaysia (MSSM) 2025 telah berlangsung dengan jayanya di Pusat Kokurikulum Negeri, Labuan hari ini.

Majlis disempurnakan oleh Puan Noraini Binti Haji Sabudin, Timbalan Pengarah Pendidikan, Sektor Perancangan, Jabatan Pendidikan W.P. Labuan. Dalam ucapannya, beliau mengucapkan tahniah dan penghargaan kepada pegawai sukan, jurulatih, guru-guru serta atlet yang telah menunjukkan komitmen tinggi dalam persiapan kejohanan yang dijadualkan berlangsung di Perlis pada 17 hingga 24 Ogos 2025.

Kontinjen Labuan terdiri daripada 26 atlet dan 9 guru pengiring yang akan bertanding dalam kategori bawah 12, 15 dan 18 tahun. Puan Noraini turut menekankan kepentingan sukan dalam membentuk sahsiah dan disiplin pelajar selaras dengan Falsafah Pendidikan Kebangsaan.

Beliau juga memberi nasihat kepada para atlet supaya menjaga kesihatan, memotivasi diri dan menjaga imej serta semangat kesukanan sepanjang pertandingan. Majlis berakhir dengan ucapan selamat maju jaya kepada kontinjen agar membawa pulang kejayaan dan pingat buat W.P. Labuan. Labuan Bisai 100% kita punya!

[#spmjpwpl](#)

[#MalaysiaMADANI](#)

[#MADANIBekerja](#)

[#RancakkanMADANI](#)

[#jpwpl](#)

[#LabuanBISAI](#)

[#100peratuskitapunya](#)





**Lawatan Kunjung Hormat
Ketua Nazir Negeri, Jemaah
Nazir Negeri Sabah Ke
Jabatan Pendidikan W.P
Labuan**



Labuan, 7 Ogos 2025 – Jabatan Pendidikan W.P. Labuan hari ini menerima lawatan kunjung hormat daripada delegasi Jemaah Nazir Negeri Sabah, yang diketuai oleh Ketua Nazir Negeri, Encik Ibnu bin Haji Jaani. Lawatan yang berlangsung di Bilik Mesyuarat Botanikal ini bertujuan untuk memperkukuh hubungan silaturrahim serta kerjasama strategik antara kedua-dua pihak.

Delegasi yang turut disertai oleh Timbalan Ketua Nazir Negeri dan dua orang Nazir Sekolah, memfokuskan perbincangan pada beberapa isu penting dalam dunia pendidikan. Antara topik utama yang disentuh ialah perkongsian maklumat mengenai instrumen **SKPM Kualiti@Sekolah (SK@S)**, sebuah alat penting dalam penilaian kualiti pengurusan sekolah.

[#sprjpwpl](#)

[#jpwpl](#)

[#LabuanBISAI](#)

[#100peratuskitapunya](#)



PENILAIAN SKPKP TAHUN 2025



Labuan, 8 Ogos 2025 – Sektor Psikologi dan Kaunseling, Jabatan Pendidikan Wilayah Persekutuan Labuan, telah menerima kunjungan dua orang pegawai dari Bahagian Psikologi dan Kaunseling, Kementerian Pendidikan Malaysia (KPM) bagi menjalankan Penilaian Standard Kualiti Perkhidmatan Kaunseling dan Psikologi (SKPKP) Tahun 2025.

Penilaian ini bertujuan memastikan perkhidmatan kaunseling dan psikologi yang disediakan mencapai piawaian kualiti yang ditetapkan oleh KPM, selaras dengan usaha meningkatkan keberkesanan sokongan psikososial kepada warga pendidikan di Labuan.

Keputusan penilaian telah diserahkan secara rasmi kepada Timbalan Pengarah Pendidikan, En. Yahya bin Ahmad Puteh, yang menjalankan tugas sebagai Pengarah Pendidikan Jabatan Pendidikan WP Labuan.

Pihak Sektor Psikologi dan Kaunseling mengucapkan penghargaan kepada Bahagian Psikologi dan Kaunseling KPM

atas kerjasama serta panduan yang diberikan, dan bertekad untuk terus menambah baik mutu perkhidmatan bagi memenuhi keperluan warga Jabatan Pendidikan WP Labuan.

[#MalaysiaMADANI](#)

[#MADANIBekerja](#)

[#RancakkanMADANI](#)

[#spskjpwp1](#)

[#jpwp1](#)

[#LabuanBISAI](#)

[#100peratuskitapunya](#)





Kunjungan Jabatan Kebajikan Masyarakat Labuan



Labuan, 11 Ogos 2025 – Jabatan Pendidikan Labuan telah menerima kunjungan daripada Jabatan Kebajikan Masyarakat Labuan. Kunjungan ini bertujuan untuk membincangkan program-program dan aktiviti antara kedua-dua jabatan berkenaan.

Rombongan ini telah disambut oleh Yahya Ahmad Puteh, Timbalan Pengarah Pendidikan menjalankan tugas Pengarah Pendidikan. Manakala, rombongan dari Jabatan Kebajikan Masyarakat diketuai oleh Puan Nur Syahiera DS Shuib yang mengetuai Jabatan Pembangunan Kanak-Kanak WP Labuan.

Turut hadir ialah Tuan Haji Sawal Salleh, Timbalan Pengarah Pendidikan Sektor Pengurusan Sekolah dan En.Awang Marten Datuk Haji Abdul Rahman, Timbalan Pengarah Pendidikan Sektor Pembangunan Murid.

[#MalaysiaMADANI](#)
[#MADANIBekerja](#)
[#RancakkanMADANI](#)
[#jpwpl](#)
[#LabuanBISAI](#)
[#100peratuskitapunya](#)

**Kunjung Hormat Jabatan
Pendidikan Labuan ke
Pejabat Timbalan Pengerusi
Perbadanan Labuan**



Labuan, 11 Ogos 2025 – Jabatan Pendidikan Labuan telah mengadakan Kunjung Hormat ke Pejabat Timbalan Pengerusi Perbadanan Labuan, Tuan Simsudin Bin Sidek. Kunjung hormat tersebut diketuai oleh Yahya Ahmad Puteh, Timbalan Pengarah Pendidikan Sektor Pembelajaran yang menjalankan tugas sebagai Pengarah Pendidikan.

Turut hadir ialah Tuan Haji Sawal Salleh, Timbalan Pengarah Sektor Pengurusan Sekolah, En. Awang Marten Bin Datuk Haji Abdul Rahman, Timbalan Pengarah Pendidikan Sektor Pembangunan murid dan pegawai-pegawai dari Sektor Pembelajaran, Sektor Perancangan serta Sektor Infrastruktur dan Perolehan. Manakala, En.Fadzillah Hj Mahmud, Timbalan Ketua Pegawai Eksekutif Perbadanan Labuan turut bersama-sama dalam kunjungan hormat tersebut.

Kunjungan hormat ini bertujuan untuk membincangkan pembangunan pendidikan yang sedang giat dilaksanakan meliputi kemudahan-kemudahan dan prasarana pendidikan. Dalam kunjung hormat itu juga turut dibincangkan perkembangan prestasi dan pencapaian pendidikan dari segi pembangunan profesionlisme guru serta pemantapan jaringan dan jalinan sektor pendidikan dengan agensi-agensi luar.

[#MalaysiaMADANI](#)
[#MADANIBekerja](#)
[#RancakkanMADANI](#)
[#jpwpl](#)
[#LabuanBISAI](#)
[#100peratuskitapunya](#)









**Nor Hanan Nadhirah Raih
Tempat Ketiga dalam Acara
Mimbar Da'i ILsS Peringkat
Kebangsaan 2025**



Alor Setar, 11 Ogos 2025 – Pertandingan Ihtifal Lughawi Sekolah-sekolah (ILSS) Kementerian Pendidikan Malaysia peringkat kebangsaan tahun 2025 telah melabuhkan tirainya dengan penuh gilang-gemilang di Dewan Universiti Antarabangsa Al Bukhary, Alor Setar, Kedah.

Acara tahunan yang berlangsung pada 8 dan 9 Ogos di SMKA Jerlun, Kedah itu menghimpunkan seramai 384 peserta dari seluruh negara dalam pelbagai pertandingan seperti Dai Cilik, Mimbar Dai, Kalam Arabi, Kalimatussobah, Hiwar dan Kalam Jamai.

Nor Hanan Nadhirah binti Ahmad Aizuddin dari Sekolah Menengah Agama Majlis Agama Islam Wilayah Persekutuan Labuan (SMA MAIWPL) berjaya merangkul tempat ketiga dalam acara Mimbar Da'i. Beliau bersaing dengan 15 peserta lain dari pelbagai negeri seluruh negara.







Dengan tajuk “Islam”, Hanan berjaya menyampaikan mimbar daie dengan penuh penghayatan, pengolahan isi yang mantap serta interaksi yang berkesan bersama penonton.

Majlis penutupan ILSS secara rasmi telah disempurnakan

oleh Timbalan Ketua Pengarah Pendidikan Malaysia Sektor Dasar dan Kurikulum YBrs. Dr. Rusmini Ku Ahmad pada 11 Ogos 2025 yang menandakan berakhirnya ILSS 2025 yang bukan sahaja menjadi medan pertandingan, tetapi juga platform memperkukuh penguasaan bahasa Arab dalam kalangan murid sekolah rendah dan menengah.





SENI SILAT BENTUK
KEMENJADIAN MURID,
MEMPERKUKUHKAN PERPADUAN



Labuan, 10 Ogos 2025 – Penglibatan murid dalam seni silat memberi kesan positif terhadap sahsiah, disiplin dan kecergasan fizikal mereka.

Di samping, melahirkan generasi yang berdaya saing dan memupuk ketahanan mental, sekaligus membentuk kemenjadian murid.

Timbalan Pengarah Sektor Pembelajaran merangkap Memangku Pengarah Jabatan Pendidikan Labuan, Yahya Ahmad Puteh berkata, seni silat bukan sahaja melatih kemahiran mempertahankan diri, malah membentuk jati diri yang teguh.

Tambah beliau, silat bukan sahaja milik sesuatu kaum atau agama, sebaliknya ia bersifat universal. Ini sekaligus membuktikan silat mampu menjadi jambatan perpaduan dan simbol kesepaduan masyarakat MADANI.

“Silat ini merupakan satu sukan yang boleh disertai oleh bukan sahaja oleh anak-anak murid kita dalam kalangan orang-orang melayu tetapi juga dalam kalangan anak-anak kita yang bukan melayu”.

“Jadi jauh tersirat daripada itu sukan ini menyatukan kita dalam elemen kepelbagaian kaum kita itu”, katanya kepada pemberita selepas menyempurnakan majlis penutupan

Kejohan Silat Peringkat Sekolah Wilayah Persekutuan Labuan.

“Kami silat ini semuanya menyatukan kita nda kira kita ini lain daripada kaum lain bangsa lain jadi yang penting sini saya tekankan kita semua boleh mengikut silat tanpa ada kekangan apa-apa jadi wardah perpaduan dan kita semua boleh disatukan melalui silat ini”, jelas Aonell Alde Samlie dari peserta SM Sains Labuan kepada pemberita.

Sementara itu, seramai 250 penyertaan dari seluruh sekolah rendah dan menengah di Labuan menyertai Kejohanan berkenaan yang berlangsung di Dewan Kolej Vokasional Labuan.

Sekolah Kebangsaan (SK) Tanjung Aru dan Sekolah Menengah Kebangsaan (SMK) Mutiara masing-masing muncul juara keseluruhan bagi kategori sekolah rendah dan menengah.

Hadir sama, Yang DiPertua Persatuan Pencak Silat Kebangsaan (PESAKA) Labuan, Mohd Khairul Ghani.

[#beslabuan](#)

[#beritartmlabuan](#)

Sumber Berita : BES Labuan





KARNIVAL KEMPEN INTERNET SELAMAT PERINGKAT WILAYAH PERSEKUTUAN LABUAN 2025



Labuan, 6 Ogos 2025 – Lebih 300 pelajar dan guru daripada 28 buah sekolah menjayakan Karnival Kempen Internet Selamat peringkat Wilayah Persekutuan Labuan, bertempat di Dewan Kompleks Darul Kifayah MAIWP Labuan.

Ia dianjurkan Suruhanjaya Komunikasi dan Multimedia Malaysia (MCMC) Wilayah Persekutuan dengan kerjasama Jabatan Pendidikan Wilayah Persekutuan Labuan.

Jelas Pengarah MCMC Wilayah Persekutuan, Faisal Hamdi Mohammed Ghouth, matlamatnya memperkasa literasi digital dalam kalangan masyarakat, khususnya pelajar dan remaja, agar lebih peka terhadap keselamatan siber.

Pengisian termasuk aktiviti interaktif dan ceramah pendidikan berkaitan etika penggunaan internet, perlindungan data peribadi dan pencegahan jenayah, buli siber.

Tambah beliau, program adalah kesinambungan daripada pelancaran Kempen Internet Selamat oleh Menteri di Jabatan Perdana Menteri (Wilayah Persekutuan) Datuk Seri Dr. Zaliha Mustafa sempena Borneo Flora Festival @Labuan 2025.

Program diharap memberi impak positif, meningkatkan kesedaran risiko dunia digital dan menjadi pengguna bertanggungjawab.

Selain memperkasa peranan guru dalam memastikan mesej keselamatan internet disampaikan secara berterusan di sekolah masing-masing.

Hadir sama, Pengarah MCMC Selangor, Amal Abdul Aziz dan Timbalan Pengarah Sektor Pembelajaran, Jabatan Pendidikan Labuan, Yahya Ahmad Putih.

[#MCMC](#)

[#KempenInternetSelamat](#)

[#beslabuan](#)

[#beritalabuan](#)

Sumber Berita : BES Labuan









KARNIVAL PENDIDIKAN KHAS SEMPENA 30 TAHUN PENUBUHAN JABATAN PENDIDIKAN KHAS BRUNEI DARUSSALAM



Labuan, 5 Ogos 2025 – Kontinjen Pendidikan Khas Wilayah Persekutuan Labuan mencatat kejayaan membanggakan dengan membawa pulang beberapa anugerah dalam Karnival Pendidikan Khas sempena ulang tahun ke-30 penubuhan Jabatan Pendidikan Khas Brunei Darussalam. Acara gilang-gemilang itu berlangsung pada 2 hingga 3 Ogos 2025 di One City Shopping Centre, Kampung Sungai Hancing, Brunei Darussalam.

Penyertaan delegasi dari WP Labuan ini dilihat sebagai satu inisiatif cemerlang dalam memupuk hubungan silaturahim serta pertukaran budaya antara dua negara melalui bidang pendidikan khas.

Dalam pertandingan yang sengit itu, para peserta dari Labuan menunjukkan bakat yang luar biasa dan semangat juang yang tinggi, sekali gus berjaya meraih beberapa kedudukan teratas:

- **Johan Peragaan Pakaian Tradisional Kategori Sekolah Rendah Perempuan:** Kemenangan ini menonjolkan kreativiti dan keindahan warisan budaya yang

dipersembahkan dengan penuh yakin oleh peserta.

- **Johan Kolaj Kertas Kategori Sekolah Rendah:** Hasil seni kolaj yang kemas dan kreatif berjaya menambat hati juri, membuktikan bakat seni yang tersendiri.
- **Johan Kolaj Manik Kategori Sekolah Menengah:** Kerja tangan yang halus dan teliti dalam menghasilkan kolaj manik ini mengukuhkan dominasi kontinjen dalam kategori seni visual.
- **Tempat Ketiga Nyanyian Solo Kategori Sekolah Rendah:** Persembahan vokal yang mantap dan merdu berjaya menempatkan peserta Labuan di kedudukan ketiga, membuktikan bakat mereka bukan sahaja dalam bidang seni visual, tetapi juga dalam seni persembahan.

Kejayaan ini bukan sahaja menjadi kebanggaan kepada kontinjen Pendidikan Khas WP Labuan, tetapi juga kepada seluruh warga pendidikan di Malaysia. Ia membuktikan bahawa pelajar berkeperluan khas mempunyai potensi yang besar untuk bersaing di peringkat antarabangsa jika diberi platform dan bimbingan yang betul.

Penglibatan dalam karnival seperti ini diharapkan dapat diteruskan pada masa akan datang bagi memberi lebih banyak pendedahan dan peluang kepada pelajar-pelajar istimewa ini untuk menonjolkan bakat mereka.

[#spkjpwp1](#)

[#jpwp1](#)

[#LabuanBISAI](#)

[#100peratuskitapunya](#)

















Majlis Perpisahan “Langkahmu Dikenang, Jasamu Disanjung”



Labuan, 1 Ogos 2025 – Kelab Pendidikan JPWPL (KELPEN) telah menganjurkan sebuah majlis penuh emosi dan penghargaan bertempat di Bilik Mesyuarat Botanical bagi menyantuni tujuh orang warga jabatan yang akan berpindah.

Mereka bukan sekadar meninggalkan jejak, tapi juga inspirasi yang akan terus mekar di hati warga JPWPL. Pertukaran dan pusingan kerja pegawai JPWPL:

- **En. Christopher (SPS) ke SMK TPBedaun**
- **Pn. Julynah (SIP) ke SK Bebuloh**
- **Cik Maznah (SPM) ke SMK Ranche-Ranche**
- **Pn. Nora (SPg) ke SM St Anthony**
- **Pn. Ainita (SICT) ke Jabatan Akauntan Negara WP Labuan**
- **En. Suliman (SICT) ke Hospital Labuan**
- **En. Norizal (SICT) ke Bahagian Penilaian dan Perkhidmatan Hartan BPPH WP Labuan**

Majlis ini bukan sekadar perpisahan tetapi sebagai tanda penghargaan dan kenangan manis warga jabatan di bawah bumbung JPWPL.

Semoga mereka terus cemerlang di tempat baharu. Kerana yang datang akan pergi, tapi kenangan takkan pernah berakhir.





